

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
VLADA**

Broj: 02-01-16527-1/13.  
Zenica, 01.08.2013. godine

**ZAPISNIK**

**sa 119. sjednice Vlade Zeničko-dobojskog kantona održane 01.08.2013. godine**

Sjednica je održana u sali 109, prvi sprat u zgradi Kantona, dana 01.08.2013. godine u trajanju od 12<sup>00</sup> do 16<sup>18</sup> sati.

Sjednicom je predsjedavao Munib Husejnagić, premijer Zeničko-dobojskog kantona.

Sjednici su prisustvovali članovi Vlade:

1. Romana Brkić, ministrica Ministarstva za pravosuđe i upravu,
2. Heljić Sabina, ministrica Ministarstva finansija,
3. Rifat Delić, ministar Ministarstva unutrašnjih poslova,
4. Ivica Ćurić, ministar Ministarstva za rad, socijalnu politiku i izbjeglice,
5. Senka Balorda, ministrica Ministarstva zdravstva,
6. Lokmić Nedžad, ministar Ministarstva za boračka pitanja,
7. Edin Terzić, ministar Ministarstva za prostorno uređenje, promet i komunikacije i zaštitu okoline, sjednici se priključio u 14<sup>12</sup> sati,
8. Amir Abazović, pomoćnik u Ministarstvu za privredu, od Premijera Zeničko-dobojskog kantona ovlašten za privremeno rukovođenje Ministarstvom do imenovanja ministra
9. Mirko Trifunović, ministar Ministarstva za obrazovanje, nauku, kulturu i sport, opravdano je odsutan, a umjesto njega sjednici prisustvuje Esad Delibašić, pomoćnik ministra.

Opravdano je odsutan Bojan Bošnjak, ministar Ministarstva za poljoprivredu, šumarstvo i vodoprivredu, a za 28. tačku dnevnog reda obrazloženje je dao na taj dio sjednice pozvan Munir Kaknjo, sekretar u Ministarstvu za poljoprivredu, šumarstvo i vodoprivredu.

Sjednici su prisustvovali i:

1. Haris Hrgić, pomoćnik Sekretara Vlade,
2. Ivica Mandura, savjetnik Premijera,
3. Dženan Begović, šef Ureda Premijera,
4. Kadić Mirsad, sekretar Sekretarijata za zakonodavstvo,
5. Azra Smailbegović-Đ., zapisničar.

U svojstvu izvjestioca, sjednici su prisustvovali:

- Suad Sivić, direktor Kantonalnog zavoda za javno zdravstvo,
- Željka Marković-Sekulić, direktorica Službe za zajedničke poslove i
- Enesa Nadarević, uposlenik Službe za zajedničke poslove,
- Nevzeta Elezović, direktorica Kantonalne uprave za šumarstvo,
- Meliha Omerspahić, član Radne grupe za preispitivanje poticaja u poljoprivredi.

Premijer je stavio na diskusiju predloženi

### **DNEVNI RED :**

1. Verifikacija Zapisnika sa 116. sjednice Vlade Zeničko-dobojskog kantona održane dana 10.07.2013. godine;
2. Verifikacija Zapisnika sa 118. sjednice Vlade Zeničko-dobojskog kantona održane dana 25.07.2013. godine;
3. Prijedlog Dokumenta okvirnog budžeta Zeničko-dobojskog kantona za period 2014.-2016. godina, sa Prijedlogom Zaključka;
4. Prijedlog Odluke o raspodjeli sredstava za finansiranje političkih stranaka i klubova poslanika političkih stranaka zastupljenih u Skupštini Zeničko-dobojskog kantona za mjesec juli 2013. g;  
**Izvjestilac za tačke 3 i 4:** Nada Delibašić, pomoćnik ministra
5. Izvještaj o epidemiološkoj situaciji na području Zeničko-dobojskog kantona za 2012. godinu, sa Prijedlogom Zaključka;
6. Izvještaj o implementaciji porodične medicine na području Zeničko-dobojskog kantona, sa Prijedlogom Zaključka;
7. Izvještaj o realizaciji Programa preventivne sistematske deratizacije – proljetna faza 2013. godine, sa Prijedlogom Zaključka o usvajanju;  
**Izvjestilac za tačke 5, 6 i 7:** Suad Sivić, direktor
8. Prijedlog Odluke o odobravanju sredstava za refundaciju troškova finansiranja nabavke opreme za Kantonalnu bolnicu Zenica;
9. Prijedlog Rješenja o konačnom imenovanju predsjednika i članova Upravnog odbora Javne ustanove zavod za javno zdravstvo Zeničko-dobojskog kantona;
10. Prijedlog Rješenja o konačnom imenovanju predsjednika i članova Upravnog odbora Javne ustanove zavod za bolesti ovisnosti Zeničko-dobojskog kantona;
11. Prijedlog Rješenja o konačnom imenovanju predsjednika i članova Upravnog odbora Javne ustanove Kantonalna bolnica Zenica;
12. Prijedlog Rješenja o utvrđivanju prijedloga kandidata za člana upravnog odbora Kliničkog centra Univerziteta u Sarajevu;  
**Izvjestilac za tačke 8-12:** Senka Balorda, ministrica
13. Prijedlog Rješenja o stavljanju van snage Rješenja o razrješenju članova Upravnog odbora Javne ustanove Univerzitet u Zenici;
14. Prijedlog Rješenja o razrješenju članova Upravnog odbora Javne ustanove Univerzitet u Zenici;
15. Prijedlog Rješenja o stavljanju van snage Rješenja o konačnom imenovanju predsjednika i člana Školskog odbora Druge gimnazije u Zenici iz reda lokalne zajednice, broj: 02-38-16208/13 od 25.07.2013. godine;
16. Prijedlog Rješenja o konačnom imenovanju predsjednika i člana Školskog odbora Druge gimnazije u Zenici, iz reda lokalne zajednice;  
**Izvjestilac za tačke 13-16:** Mirko Trifunović, ministar
17. Prijedlog Odluke o uspostavi Registra administrativnih postupaka Zeničko-dobojskog kantona;
18. Prijedlog Odluke o vođenju i održavanju Registra administrativnih postupaka Zeničko-dobojskog kantona;
19. Prijedlog Rješenja o imenovanju Regulatornog tijela za vođenje i održavanje Registra administrativnih postupaka Zeničko-dobojskog kantona;
20. Prijedlog Rješenja o formiranju Radne grupe za reguliranje pitanja prijevoza uposlenika;
21. Prijedlog Zaključka o postupanju kod isplate naknada za rad u komisijama;

22. Prijedlog Rješenja o izmjeni Rješenja o imenovanju predsjednika i članova Drugostepene komisije Vlade Zeničko-dobojskog kantona;
23. Prijedlog Rješenja o stavljanju van snage Rješenja o utvrđivanju naknade za rad predsjednika i članova Drugostepene komisije Vlade Zeničko-dobojskog kantona;  
**Izvjestilac za tačke 17-23:** Munib Husejnagić, premijer
24. Prijedlog Rješenja o izmjeni Rješenja o imenovanju Drugostepene disciplinske komisije za namještenike zaposlene u kantonalnim i općinskim organima državne uprave u Zeničko-dobojskom kantonu
25. Prijedlog Rješenja o stavljanju van snage Rješenja o utvrđivanju naknade za rad predsjednika i članova Drugostepene disciplinske komisije za namještenike zaposlene u kantonalnim i općinskim organima državne uprave u Zeničko-dobojskom kantonu  
**Izvjestilac za tačke 24 i 25:** Romana Brkić, ministrica
26. Prijedlog mjera za prevazilaženje postojećeg stanja u pogledu šumskih krađa, sa Prijedlogom Zaključka;
27. Prijedlog Zaključka o pokretanju postupka nominiranja na upražnjene pozicije predsjednika i članova Skupštine JP „Šumsko-privredno društvo Zeničko-dobojskog kantona“ d.o.o. Zavidovići;  
**Izvjestilac za tačke 26 i 27:** Bojan Bošnjak, ministar
28. Prijedlog Zaključka o odobravanju zaključivanje Ugovora o sufinansiranju realizacije projekta “Rekonstrukcija lokalnog puta Novi Šeher-Crni Vrh-Tešanj”, između Zeničko-dobojskog kantona-Ministarstva za rad, socijalnu politiku i izbjeglice, Federalnog ministarstva raseljenih osoba i izbjeglica i Općine Maglaj, sa ciljem stvaranja uvjeta za održiv povratak na područje općine Maglaj;  
**Izvjestilac:** Ivica Ćurić, ministar
29. Prijedlog Odluke o izmjeni Odluke o odobravanju finansijskih sredstava - subvencioniranje troškova certifikacije energetske efikasnosti građevinskog objekta privrednom društvu „AL-EX“ d.o.o. Zenica;  
**Izvjestilac:** Amir Abazović, pomoćnik Ministra
30. Informacija o provedenim aktivnostima po Rješenju broj: 02-34-15259/13 od 10.07.2013. godine;  
**Izvjestilac:** Vahidin Starčević, predsjednik Radne grupe
31. Upoznavanje članova Vlade sa:
- a. Zapisnikom Stručnih savjetnika za unutrašnju reviziju o izvršenoj reviziji koncesionih naknada broj: MF 07-04/06-02/13 MŠ.MS. od 11.06.2013. godine, i broj: MF 07-04/07-02/13 MŠ.MS. od 04.07.2013. godine;
  - b. Informacija o realizaciji zaključaka i ugovora, broj: 14-14-17838-2/12 od 29.07.2013. godine
  - c. Konačni Izvještaj o izvršenoj reviziji finansijskih izvještaja Budžeta Zeničko-dobojskog kantona za 2012. godinu, broj: 04-14-2-709-3/13 od 25.07.2013. godine

Ministrica za pravosuđe i upravu je predložila da se tačka 31b: Informacija o realizaciji zaključaka i ugovora, broj: 14-14-17838-2/12 od 29.07.2013. godine u vezi nabavke vatrogasnih vozila iz materijala predviđenih za upoznavanja premijesti, te da se razmatra kao redovna tačka dnevnog reda, i da se o njoj donesu zaključci.

Ministar ministarstva unutrašnjih poslova je predložio da se ta tačka zbog važnosti razmatra među prvim tačkama na sjednici.

Ministrica finansija je predložila da se odloži razmatranje tačke 3.

Ministrica Ministarstva zdravstva je predložila da se najprije razmatraju tačke za koje je izvjestilac Suad Sivić, direktor Kantonalnog zavoda za javno zdravstvo.

Članovi Vlade su se saglasili sa predloženim izmjenama dnevnog reda tako da je za sjednicu jednoglasno usvojen sljedeći:

## **DNEVNI RED:**

1. Verifikacija Zapisnika sa 116. sjednice Vlade Zeničko-dobojskog kantona održane dana 10.07.2013. godine;
2. Verifikacija Zapisnika sa 118. sjednice Vlade Zeničko-dobojskog kantona održane dana 25.07.2013. godine;
3. Izvještaj o epidemiološkoj situaciji na području Zeničko-dobojskog kantona za 2012. godinu, sa Prijedlogom Zaključka;
4. Izvještaj o implementaciji porodične medicine na području Zeničko-dobojskog kantona, sa Prijedlogom Zaključka;
5. Izvještaj o realizaciji Programa preventivne sistematske deratizacije – proljetna faza 2013. godine, sa Prijedlogom Zaključka o usvajanju;  
**Izvjestilac za tačke 3-5:** Suad Sivić, direktor
6. Informacija o realizaciji zaključaka i ugovora, broj: 14-14-17838-2/12 od 29.07.2013. godine  
**Izvjestilac:** Željka Marković-Sekulić, direktor
7. Prijedlog Odluke o odobravanju sredstava za refundaciju troškova finansiranja nabavke opreme za Kantonalnu bolnicu Zenica;
8. Prijedlog Rješenja o konačnom imenovanju predsjednika i članova Upravnog odbora Javne ustanove zavod za javno zdravstvo Zeničko-dobojskog kantona;
9. Prijedlog Rješenja o konačnom imenovanju predsjednika i članova Upravnog odbora Javne ustanove zavod za bolesti ovisnosti Zeničko-dobojskog kantona;
10. Prijedlog Rješenja o konačnom imenovanju predsjednika i članova Upravnog odbora Javne ustanove Kantonalna bolnica Zenica;
11. Prijedlog Rješenja o utvrđivanju prijedloga kandidata za člana upravnog odbora Kliničkog centra Univerziteta u Sarajevu;  
**Izvjestilac za tačke 7-11:** Senka Balorda, ministrica
12. Prijedlog Dokumenta okvirnog budžeta Zeničko-dobojskog kantona za period 2014.-2016. godina, sa Prijedlogom Zaključka;
13. Prijedlog Odluke o raspodjeli sredstava za finansiranje političkih stranaka i klubova poslanika političkih stranaka zastupljenih u Skupštini Zeničko-dobojskog kantona za mjesec juli 2013. g;
14. Prijedlog Rješenja o stavljanju van snage Rješenja o razrješenju članova Upravnog odbora Javne ustanove Univerzitet u Zenici;
15. Prijedlog Rješenja o razrješenju članova Upravnog odbora Javne ustanove Univerzitet u Zenici;
16. Prijedlog Rješenja o stavljanju van snage Rješenja o konačnom imenovanju predsjednika i člana Školskog odbora Druge gimnazije u Zenici iz reda lokalne zajednice, broj: 02-38-16208/13 od 25.07.2013. godine;
17. Prijedlog Rješenja o konačnom imenovanju predsjednika i člana Školskog odbora Druge gimnazije u Zenici, iz reda lokalne zajednice;  
**Izvjestilac za tačke 14-17:** Mirko Trifunović, ministar

18. Prijedlog Odluke o uspostavi Registra administrativnih postupaka Zeničko-dobojskog kantona;
19. Prijedlog Odluke o vođenju i održavanju Registra administrativnih postupaka Zeničko-dobojskog kantona;
20. Prijedlog Rješenja o imenovanju Regulatornog tijela za vođenje i održavanje Registra administrativnih postupaka Zeničko-dobojskog kantona;
21. Prijedlog Rješenja o formiranju Radne grupe za reguliranje pitanja prijevoza uposlenika;
22. Prijedlog Zaključka o postupanju kod isplate naknada za rad u komisijama;
23. Prijedlog Rješenja o izmjeni Rješenja o imenovanju predsjednika i članova Drugostepene komisije Vlade Zeničko-dobojskog kantona;
24. Prijedlog Rješenja o stavljanju van snage Rješenja o utvrđivanju naknade za rad predsjednika i članova Drugostepene komisije Vlade Zeničko-dobojskog kantona;  
**Izvjestilac za tačke 18-24:** Munib Husejnagić, premijer
25. Prijedlog Rješenja o izmjeni Rješenja o imenovanju Drugostepene disciplinske komisije za namještenike zaposlene u kantonalnim i općinskim organima državne uprave u Zeničko-dobojskom kantonu
26. Prijedlog Rješenja o stavljanju van snage Rješenja o utvrđivanju naknade za rad predsjednika i članova Drugostepene disciplinske komisije za namještenike zaposlene u kantonalnim i općinskim organima državne uprave u Zeničko-dobojskom kantonu  
**Izvjestilac za tačke 25 i 26:** Romana Brkić, ministrica
27. Prijedlog mjera za prevazilaženje postojećeg stanja u pogledu šumskih krađa, sa Prijedlogom Zaključka;
28. Prijedlog Zaključka o pokretanju postupka nominiranja na upražnjene pozicije predsjednika i članova Skupštine JP „Šumsko-privredno društvo Zeničko-dobojskog kantona“ d.o.o. Zavidovići;  
**Izvjestilac za tačke 27 i 28:** Bojan Bošnjak, ministar
29. Prijedlog Zaključka o odobravanju zaključivanje Ugovora o sufinansiranju realizacije projekta “Rekonstrukcija lokalnog puta Novi Šeher-Crni Vrh-Tešanj”, između Zeničko-dobojskog kantona-Ministarstva za rad, socijalnu politiku i izbjeglice, Federalnog ministarstva raseljenih osoba i izbjeglica i Općine Maglaj, sa ciljem stvaranja uvjeta za održiv povratak na područje općine Maglaj;  
**Izvjestilac:** Ivica Ćurić, ministar
30. Prijedlog Odluke o izmjeni Odluke o odobravanju finansijskih sredstava - subvencioniranje troškova certifikacije energetske efikasnosti građevinskog objekta privrednom društvu „AL-EX“ d.o.o. Zenica;  
**Izvjestilac:** Amir Abazović, pomoćnik Ministra
31. Informacija o provedenim aktivnostima po Rješenju broj: 02-34-15259/13 od 10.07.2013. godine;  
**Izvjestilac:** Vahidin Starčević, predsjednik Radne grupe
32. Upoznavanje članova Vlade sa:
  - a. Zapisnikom Stručnih savjetnika za unutrašnju reviziju o izvršenoj reviziji koncesionih naknada broj: MF 07-04/06-02/13 MŠ.MS. od 11.06.2013. godine, i broj: MF 07-04/07-02/13 MŠ.MS. od 04.07.2013. godine;
  - b. Konačni Izvještaj o izvršenoj reviziji finansijskih izvještaja Budžeta Zeničko-dobojskog kantona za 2012. godinu, broj: 04-14-2-709-3/13 od 25.07.2013. godine

### **Prva tačka dnevnog reda**

Vlada je jednoglasno usvojila Zapisnik sa 116. sjednice Vlade, održane 10.07.2013. godine.

### **Druga tačka dnevnog reda**

Vlada je jednoglasno usvojila Zapisnik sa 118. sjednice Vlade, održane 25.07.2013. godine.

### **Treća tačka dnevnog reda**

Obrazloženje za ovu tačku dnevnog reda dao je Suad Sivić, direktor Kantonalnog zavoda za javno zdravstvo.

Diskutovala je ministrica Ministarstva zdravstva.

Vlada je jednoglasno donijela Zaključak kojim se usvaja Izvještaj o epidemiološkoj situaciji na području Zeničko-dobojskog kantona za 2012. godinu i prosljeđuje u skupštinsku proceduru.

Zaključak stupa na snagu danom donošenja.

### **Četvrta tačka dnevnog reda**

Obrazloženje za ovu tačku dnevnog reda dao je Suad Sivić, direktor Kantonalnog zavoda za javno zdravstvo.

Diskutovala je ministrica Ministarstva zdravstva.

Vlada je jednoglasno donijela Zaključak kojim se usvaja Izvještaj o implementaciji porodične medicine na području Zeničko-dobojskog kantona i upućuje u skupštinsku proceduru.

Zaključak stupa na snagu danom donošenja.

### **Peta tačka dnevnog reda**

Obrazloženje za ovu tačku dnevnog reda dao je Suad Sivić, direktor Kantonalnog zavoda za javno zdravstvo.

U diskusiji su učestvovali: Premijer Zeničko-dobojskog kantona, Ministrica Ministarstva zdravstva, Ministar Ministarstva za rad, socijalnu politiku i izbjeglice, i pomoćnik Sekretara Vlade.

Vlada je jednoglasno donijela Zaključak kojim se usvaja Izvještaj

### **Šesta tačka dnevnog reda**

Obrazloženje za ovu tačku dnevnog reda dale su Željka Marković-Sekulić, direktorica Službe za zajedničke poslove, i Enesa Krdžalić, uposlenik iste službe. Korišten je tonski zapis sa 97. i 99. sjednice Vlade Zeničko-dobojskog kantona.

U diskusiji su učestvovali Premijer Zeničko-dobojskog kantona, Ministar Ministarstva unutrašnjih poslova, Ministrica Ministarstva za pravosuđe i upravu, Ministar Ministarstva za rad, socijalnu politiku i izbjeglice, ministrica Ministarstva zdravstva, pomoćnik Sekretara Vlade.

Vlada je sa šest glasova „za“ i jednim glasom „suzdržan“ donijela slijedeći Zaključak:

Kompletna dokumentacija koja se odnosi na postupak javne nabavke četiri interventna vatrogasna vozila i Ugovor broj: 14-14-17838/12 od 12.11.2012. godine i njegove anekse dostavit će se Kantonalnom tužilaštvu na mišljenje i ocjenu, te postupanje po službenoj dužnosti.

Dokumentacija iz tačke I. ovog zaključka dostavit će se Disciplinskoj komisiji radi razmatranja toka postupka javne nabavke i utvrđivanja eventualnog postojanja povrede zakonitosti u radu i postupanju, te u tom smislu postojanja disciplinske odgovornosti.

Zadužuju se Služba za zajedničke poslove i Stručna služba Vlade da u formi predviđenoj za razmatranje na sjednici Vlade dostave na uvid Vladi svu dokumentaciju kojom raspolažu a tiče se obavještavanja Vlade o postupku potpisivanja Aneksa I od 17.05.2013. godine na Ugovor broj: 14-14-17838/12 od 12.11.2012. godine koji se odnosi na nabavku četiri interventna vatrogasna vozila.

Zaključak stupa na snagu danom donošenja.

### **Sedma tačka dnevnog reda**

Obrazloženje za ovu tačku dnevnog reda dala je ministrica Ministarstva zdravstva.

Vlada je sa šest glasova „za“ i jednim glasom „suzdržan“ donijela Odluku kojom se odobravaju sredstva Kantonalnoj bolnici Zenica u ukupnom iznosu od 250.000,00 KM (slovima: dvijestotinepedesethiljada konvertibilnih maraka) za refundaciju troškova finansiranja nabavljene opreme od firme “Siemens” Sarajevo po ranije zaključenim ugovorima i to:

1. Ugovor o prodaji i instalaciji sistema Magnetom Avanto Tim 1,5T i sistema CT Somatom Definition AS40 kao i sufinansiranju troškova pripreme prostora za smještaj opreme broj: 20/1-1296 od 19.03.2009. godine
2. Aneks I Ugovora o prodaji i instalaciji sistema Magnetom Avanto Tim 1,5T i sistema CT Somatom Definition AS40 kao i sufinansiranju troškova pripreme prostora za smještaj opreme broj: 20/1-5639 od 19.11.2009. godine
3. Ugovor o nabavci medicinske opreme (nabavka teledirigovanog RTG sistema za digitaliziranu radiografiju i digitalnu fluoroskopiju SIEMENS AXIOM Iconos MD) broj: 20/1-4004 od 26.07.2010. godine
4. Ugovor o izmještanju i nadogradnji CT uređaja SIEMENS za potrebe Službe za radiologiju broj: 20/1-3624 od 22.06.2011. godine.

Refundacija troškova finansiranja vrši se u iznosima kako slijedi:

– Po Ugovoru pod rednim brojem 1. (2 rate po 98.577,42 KM)	197.154,84 KM
– Po Ugovoru pod rednim brojem 2. (2 rate po 13.629,74 KM)	27.259,48 KM
– Po Ugovoru pod rednim brojem 3. (2 rate po 11.686,35 KM)	23.372,70 KM
– <u>Po Ugovoru pod rednim brojem 4. (dio rate)</u>	<u>2.212,98 KM</u>
UKUPNO	250.000,00 KM.

### **Član 2.**

#### **(Analitička konta)**

Sredstva iz člana 1. ove odluke isplatit će se iz Budžeta Zeničko-dobojskog kantona za 2013. godinu (“Službene novine Zeničko-dobojskog kantona”, broj 19/12) sa razdjela 21- Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija “Kapitalni transferi drugim nivoima vlasti-za zdravstvo”.

### **Član 3.**

#### **(Provođenje Odluke)**

Za provođenje ove odluke zadužuju se Ministarstvo zdravstva i Ministarstvo finansija, svako u okviru svoje nadležnosti.

### **Član 4.**

#### **(Izvištavanje)**

Kantonalna bolnica Zenica dužna je izvijestiti Ministarstvo zdravstva o namjenskom utrošku sredstava.

### **Član 5.**

#### **(Stupanje na snagu)**

Odluka stupa na snagu danom donošenja i bit će objavljena u «Službenim novinama Zeničko-dobojskog kantona».

### **Osmo tačka dnevnog reda**

Obrazloženje za ovu tačku dnevnog reda dala je ministrica Ministarstva zdravstva.

Vlada je jednoglasno donijela Rješenje kojim se za predsjednika i članove upravnog odbora Javne ustanove zavod za javno zdravstvo Zeničko-dobojskog kantona, na mandatni period od četiri (4) godine, imenuju se:

1. Salih Tandir, predsjednik,
2. Avdagić Zahedin, član,
3. Ešef Jusubašić, član,
4. Branka Karač, član,
5. Osman Baručija, član.

Rješenje stupa na snagu danom donošenja i objavit će se u «Službenim novinama Zeničko-dobojskog kantona» i «Službenim novinama Federacije Bosne i Hercegovine».

Sjednici se u 14<sup>12</sup> sati priključio ministar Terzić Edin.

### **Deveta tačka dnevnog reda**

Obrazloženje za ovu tačku dnevnog reda dala je ministrica Ministarstva zdravstva.

Vlada je jednoglasno donijela Rješenje kojim se za predsjednika i članove upravnog odbora Javne ustanove zavod za bolesti ovisnosti Zeničko-dobojskog kantona, na mandatni period od četiri (4) godine, imenuju:

1. Miroslav Šišić, predsjednik,
2. Mirsad Ramić, član,
3. Samir Kasper, član,
4. Amela Saračević, član,
5. Hajrudin Hedžić, član.

Rješenje stupa na snagu danom donošenja i objavit će se u «Službenim novinama Zeničko-dobojskog kantona» i «Službenim novinama Federacije Bosne i Hercegovine».

### **10. tačka dnevnog reda**

Obrazloženje za ovu tačku dnevnog reda dala je ministrica Ministarstva zdravstva.

Diskutovao je Premijer Zeničko-dobojskog kantona.

Vlada je jednoglasno donijela Rješenje kojim se za predsjednika i članove upravnog odbora Javne ustanove kantonalna bolnica Zenica, na mandatni period od četiri (4) godine, imenuju:

1. Sejad Rožajac, predsjednik,
2. Bruno Bojić, član,
3. Dženana Isaković, član,
4. Adnan Begović, član,
5. Emina Huseinagić, član.

Rješenje stupa na snagu danom donošenja i objavit će se u «Službenim novinama Zeničko-dobojskog kantona» i «Službenim novinama Federacije Bosne i Hercegovine».

### **11. tačka dnevnog reda**

Obrazloženje za ovu tačku dnevnog reda dala je ministrica Ministarstva zdravstva.

Diskutovao je Pomoćnik Sekretara Vlade.



Vlada je jednoglasno donijela Rješenje kojim se Miroslav Spasojević iz Kaknja imenuje kao kandidat za konačno imenovanje na poziciju člana upravnog odbora Kliničkog centra Univerziteta u Sarajevu, kao predstavnik Zeničko-dobojskog kantona.

Rješenje stupa na snagu danom donošenja.

## **12. tačka dnevnog reda**

Tačka dnevnog reda: Prijedlog Dokumenta okvirnog budžeta Zeničko-dobojskog kantona za period 2014.-2016. godina, povlači se na prijedlog Ministarstva finansija kao predlagača.

## **13. tačka dnevnog reda**

Vlada je jednoglasno donijela Odluku kojom se odobrava isplata sredstava u iznosu od 33.333,33 KM (slovima: tridesettrihjadetristotinetridesetri i 33/100 konvertibilnih maraka) za političke stranke i klubove poslanika političkih stranaka zastupljene u Skupštini Zeničko-dobojskog kantona, za mjesec juli 2013. godine.

### Član 2.

(Raspored sredstava)

Sredstva iz člana 1. Ove Odluke raspoređuju se na način da se:

- 30% sredstava dijeli jednako svim političkim strankama, odnosno klubovima poslanika političkih stranaka koje su osvojile mandate u Skupštini Zeničko-dobojskog kantona,
- 60% sredstava dijeli prema broju poslaničkih mandata koje svaka politička stranka zastupljena u Skupštini Kantona, ima u trenutku dodjele mandata,
- 10% od ukupnog iznosa raspoređuje se klubovima poslanika, srazmjerno broju poslaničkih mjesta koja pripadaju manje zastupljenom spolu.

### Član 3.

(Trenutak raspodjele)

Kao trenutak raspodjele sredstava iz člana 2. ove Odluke smatra se dan donošenja Odluke Vlade Kantona o raspodjeli istih.

### Član 4.

(Budžetska organizacija i ekonomski kod)

Isplata sredstava iz člana 1. ove odluke će se izvršiti na osnovu Zakona o izvršavanju budžeta Zeničko-dobojskog kantona za 2013. godinu ("Službene novine Zeničko-dobojskog kantona", broj: 19/12), sa razdjela 10, budžetska organizacija 01, potrošačka jedinica 0001-Skupština Kantona, ekonomski kod 614300 „Tekući transfer za finansiranje političkih stranaka, koalicija političkih stranaka i nezavisnih poslanika.“

### Član 5.

(Realizacija Odluke)

Za realizaciju ove odluke zadužuju se Ministarstvo finansija Zeničko-dobojskog kantona i Stručna služba Skupštine Zeničko-dobojskog kantona, svako u okviru svoje nadležnosti.

### Član 6.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

## **14. tačka dnevnog reda**

Obrazloženje za ovu tačku dnevnog reda dao je Esad Delibašić, pomoćnik u Ministarstvu za obrazovanje, nauku, kulturu i sport. Diskutovao je Premijer Zeničko-dobojskog kantona.

Vlada je jednoglasno donijela Rješenje kojim se stavlja van snage Rješenje o razrješenju članova Upravnog odbora Javne ustanove Univerzitet u Zenici, broj: 02-34-15284/13 od 10.07.2013. godine.

Rješenje stupa na snagu danom donošenja.

### **15. tačka dnevnog reda**

Vlada je jednoglasno donijela Rješenje kojim se razrješavaju dužnosti članovi Upravnog odbora Javne ustanove Univerzitet u Zenici:

1. Esad Delibašić, predsjednik,
2. Nada Delibašić, član,
3. Suvad Isaković, član,
4. Munir Serdarević, član,
5. Hasan Mahmutović, član,
6. Zlatan Omerspahić, član.

Rješenje stupa na snagu danom donošenja i objavit će se u „Službenim novinama Zeničko-dobojskog kantona“.

### **16. tačka dnevnog reda**

Vlada je jednoglasno donijela Rješenje kojim se stavlja van snage Rješenje o konačnom imenovanju predsjednika i člana Školskog odbora iz reda lokalne zajednice Druge gimnazije u Zenici, broj: 02-38-16208/13 od 25.07.2013. godine.

Rješenje stupa na snagu danom donošenja.

### **17. tačka dnevnog reda**

Vlada je jednoglasno donijela Rješenje kojim se imenuju se predsjednik i član Školskog odbora Druge gimnazije u Zenici do isteka mandata:

1. Ormanović Šemso – predsjednik, iz reda Osnivača,
2. Beganović Besim – član, iz reda lokalne zajednice.

Predsjednik i član Školskog odbora iz tačke I ovog rješenja imenuju se do isteka mandata Školskog odbora Druge gimnazije u Zenici.

Rješenje stupa na snagu danom donošenja, a objavit će se u „Službenim novinama Zeničko-dobojskog kantona“ i „Službenim novinama Federacije Bosne i Hercegovine“.

### **18. tačka dnevnog reda**

Obrazloženje za ovu tačku dnevnog reda dao je Premijer Zeničko-dobojskog kantona.

Vlada je jednoglasno donijela Odluku o uspostavi Registra administrativnih postupaka Zeničko-dobojskog kantona.

Član 1.

(Predmet Odluke)

Ovom Odlukom uspostavlja se Registar administrativnih postupaka Zeničko-dobojskog kantona (u daljnjem tekstu: Registar), određuju rokovi i nosioci aktivnosti za njegovu uspostavu, osnovna načela Registra, osnivanje i organizacija tijela Kantona nadležnog za vođenje registarskih postupaka te druga pitanja od značaja za vođenje i održavanje Registra.

Član 2.

(Značenje pojedinih izraza u Odluci)

(1) Registar predstavlja potpunu i sveobuhvatnu evidenciju administrativnih postupaka i centralnu bazu svih podataka od značaja za pokretanje i vođenje administrativnih postupaka pred kantonalnim ministarstvima i drugim tijelima kantonalne uprave Zeničko-dobojskog kantona.

(2) Administrativni postupak, predstavlja postupak rješavanja predmeta, od momenta pokretanja postupka od strane pojedinaca i pravnih lica do momenta odlučivanja odnosno odgovora nadležnog kantonalnog ministarstva, odnosno drugog tijela kantonalne uprave, a u cilju sprovođenja propisa. Pojam administrativnog postupka podrazumijeva i procedure prijavljivanja za izdavanje licence, dozvole, saglasnosti, odobrenja, rješenja, autorizacije, ovlaštenja, certifikacije, obavještenja, statističko istraživanje i sl.

#### Član 3.

(Način vođenja Registra)

Registar se vodi u pisanom i elektronskom obliku i bit će objavljen na zvaničnoj web stranici Zeničko-dobojskog kantona, [www.zdk.ba](http://www.zdk.ba)

#### Član 4.

(Elementi administrativnog postupka)

Elementi administrativnog postupka obuhvataju sve potrebne informacije, dokumentaciju, rokove i obrasce kojim se stranka obraća nadležnom ministarstvu, odnosno drugom tijelu kantonalne uprave, prilikom pokretanja administrativnih postupaka, kao i druge podatke od značaja za vođenje administrativnih postupaka.

#### Član 5.

(Nosioći aktivnosti i rokovi)

(1) Uspostavu elektronskog Registra izvršit će Vlada Zeničko-dobojskog kantona u saradnji sa drugim tijelima kantonalne uprave, preuzimanjem podataka iz Odluke o usvajanju preporuka za pojednostavljenje administrativnih postupaka, broj: 01/05-15773/13 od 18.07.2013. godine.

(2) Rok za uspostavu Registra je 15.9.2013. godine, a rok za početak rada Registra je 01.10.2013. godine.

#### Član 6.

(Obaveznost u primjeni)

(1) Kantonalna ministarstva i druga tijela kantonalne uprave će, shodno pojmovnom određenju iz člana 2. Odluke, provoditi isključivo administrativne postupke koji su registrirani na način propisan ovom Odlukom i provedbenim propisima donešenim na osnovu Odluke.

(2) Prije započinjanja provedbe novih administrativnih postupaka, odnosno pojedinih elemenata registriranih postupaka, kantonalna ministarstva i druga tijela kantonalne uprave su dužni izvršiti njihovu registraciju u skladu sa ovom Odlukom i provedenim propisima kojima će se detaljnije urediti pitanja registracije, brisanja, odnosno upisa promjena podataka od značaja za vođenje administrativnih postupaka.

(3) Registar se uspostavlja i vodi na način koji obezbjeđuje pravnu sigurnost, zakonitost, tačnost, javnost, blagovremenost, preglednost, jednostavnost i jednoobraznost.

#### Član 7.

(Tijelo nadležno za vođenje i održavanje Registra)

(1) Vođenje i održavanje registra je u nadležnosti Regulatornog tijela Zeničko-dobojskog kantona (u daljem tekstu: Regulatorno tijelo).

(2) Regulatorno tijelo je odgovorno za vođenje evidencija Registra, uvođenje postupka u Registar i donošenje odluka o promjenama u Registru te održavanje i zaštitu baze podataka.

(3) Regulatorno tijelo obavlja stručne, administrativne, tehničke i druge poslove u skladu sa ovom Odlukom i provedbenim propisima kojima će se detaljnije urediti pitanja od značaja za vođenje i održavanje Registra.

(4) Regulatorno tijelo je posebno odgovorno za zakonitost, tačnost, ažurnost i dostupnost svih podataka u Registru.

#### Član 8.

(Članovi Regulatornog tijela)

(1) Regulatorno tijelo je sastavljeno od predsjedavajućeg i pet (5) članova koje imenuje Vlada Zeničko-dobojskog kantona.

#### Član 9.

(Obaveze i odgovornosti ministarstava i tijela kantonalne uprave)

Kantonalna ministarstva i druga tijela kantonalne uprave su odgovorni za blagovremeno i tačno obavještanje Regulatornog tijela o izmjenama propisa koji utiču na uvođenje novih, izmjene ili brisanje postojećih administrativnih postupaka iz svoje nadležnosti.

## Član 10.

(Podrška u radu Registra)

Radi stvaranja održivog sistema registriranja, obezbijedit će se kontinuirana kadrovska, tehnička, finansijska i druga podrška na nivou kantona, te će se donijeti, izmjeniti ili dopuniti svi potrebni kantonalni akti neophodni za rad Registra.

## Član 11.

(Rokovi za donošenje akata)

(1) Vlada Zeničko-dobojskog kantona će u roku od osam (8) dana od dana donošenja ove odluke, donijeti akt o imenovanju članova Regulatornog tijela, u skladu sa potrebama Registra, te stručnim znanjima i vještinama imenovanih.

(2) Provedbene kantonalne akte kojima će se bliže urediti načela Registra, postupak registracije i brisanja administrativnih postupaka, upisa promjena podataka od značaja za vođenje administrativnih postupaka, nadležnost subjekata u registarskim postupcima, kao i druga pitanja od značaja za vođenje i održavanje Registra, Vlada Zeničko-dobojskog kantona će donijeti u roku od 15 dana od dana stupanja na snagu Odluke.

## Član 12.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

## **19. tačka dnevnog reda**

Vlada je jednoglasno donijela Odluku o vođenju i održavanju Registra administrativnih postupaka.

### Član 1.

(Predmet Odluke)

Odlukom o vođenju i održavanju Registra administrativnih postupaka (u daljnjem tekstu: Odluka) bliže se uređuju načela Registra, postupak registracije i brisanja administrativnih postupaka, upis promjena podataka od značaja za vođenje administrativnih postupaka, nadležnost subjekata u registarskom postupku, kao i druga pitanja od značaja za vođenje i održavanje Registra administrativnih postupaka Zeničko-dobojskog kantona (u daljnjem tekstu: Registar).

### Član 2.

(Načela Registra)

Registar administrativnih postupaka se uspostavlja i vodi na način koji obezbjeđuje primjenu sljedećih načela:

a) zakonitost – kantonalna ministarstva i druga tijela kantonalne uprave Zeničko-dobojskog kantona provode isključivo administrativne postupke zasnovane na zakonu, te drugim propisima i kantonalnim aktima donešenim na temelju zakonom utvrđenih javnih ovlasti,

b) obaveznost - sva kantonalna ministarstva i druga tijela kantonalne uprave obavezni su, prije započinjanja provedbe administrativnog postupka odnosno pojedinih elemenata postupka iste registrovati u Registru administrativnih postupaka Zeničko-dobojskog kantona,

c) pravna sigurnost – kantonalna ministarstva i druga tijela kantonalne uprave Zeničko-dobojskog kantona provode isključivo registrovane administrativne postupke u skladu sa podacima upisanim u Registar,

d) jednoobraznost – registracija administrativnih postupaka utvrđuje se jednoobrazno,

e) blagovremenost - sve promjene koje se odnose na vođenje administrativnih postupaka će biti upisane u Registar, u rokovima propisanim ovom Odlukom,

f) javnost i pristup podacima – svako može na jednostavan način i svakodobno izvršiti uvid u podatke Registra pristupom zvaničnoj web stranici Zeničko-dobojskog kantona [www.zdk.ba](http://www.zdk.ba). Kantonalni organi su dužni omogućiti pristup svim potrebnim podacima, propisanim obrascima, internetskoj stranici, te pružiti druge obavijesti, savjete i stručnu pomoć svim zainteresiranim licima.

g) formalnost – registracijski obrasci imaju obaveznu pisanu formu čiji je sadržaj utvrđen ovom Odlukom;

h) ekonomičnost -Regulatorno tijelo je dužno starati se da se administrativni postupci registruju u obliku povoljnog za poslovanje i ekonomske interese građana, odnosno da se registrovani administrativni postupci provode sa što manje potrošenih novčanih i materijalnih sredstava, energije i vremena zainteresovanih stranaka.

### Član 3.

#### (Sadržaj Registra)

Registar sadrži sljedeće podatke o administrativnim postupcima:

- a) registracioni broj administrativnog postupka;
- b) naziv administrativnog postupka;
- c) naziv kantonalnog ministarstva ili drugog tijela kantonalne uprave Zeničko-dobojskog kantona koji sprovodi postupak i donosi odluku o administrativnom postupku;
- d) adresu, broj telefona, elektronsku adresu i sve druge podatke pogodne za dobijanje potrebnih informacija o administrativnom postupku;
- e) djelatnost na koju se administrativni postupak odnosi;
- f) svrhu administrativnog postupka;
- g) pravni osnov administrativnog postupka;
- h) iznos takse koja se plaća prilikom pokretanja ili u toku administrativnog postupka;
- i) iznos naknade koja se plaća prilikom pokretanja ili u toku administrativnog postupka;
- j) obavezne podatke koje je potrebno dostaviti prilikom pokretanja administrativnog postupka;
- k) obaveznu dokumentaciju koju treba dostaviti prilikom pokretanja ili u toku administrativnog postupka;
- l) rok za pregled predmeta (ukoliko je propisan);
- m) rok za rješavanje urednog predmeta;
- n) prilog - obrazac kojim se stranka obraća nadležnom kantonalnom ministarstvu ili drugom tijelu kantonalne uprave prilikom pokretanja administrativnog postupka (ukoliko je propisan).

### Član 4.

#### (Registarski postupak)

Registarski postupak podrazumijeva:

1. registraciju administrativnog postupka,
2. upis promjene podataka od značaja za vođenje administrativnog postupka,
3. brisanje administrativnog postupka.

### Član 5.

#### (Registracija administrativnog postupka)

(1) Registracija administrativnog postupka se vrši u skladu sa Odlukom o uspostavi Registra administrativnih postupaka i ovom Odlukom.

(2) Kantonalno ministarstvo, odnosno drugo tijelo kantonalne uprave, koje namjerava da registruje administrativni postupak iz svoje nadležnosti, podnosi prijavu (u prilogu ove Odluke) za registraciju administrativnog postupka Regulatornom tijelu.

(3) Ukoliko je administrativni postupak uveden propisom Bosne i Hercegovine ili Federacije BiH, prijava za registraciju administrativnog postupka se podnosi u roku od pet (5) dana od dana objavljivanja propisa.

(4) Ukoliko se administrativni postupak planira uvesti kantonalnim propisom, obavijest o uvođenju administrativnog postupka se podnosi u vrijeme izrade nacrt propisa, a prijava za registraciju administrativnog postupka po stupanju na snagu kantonalnog propisa.

(5) Uz prijavu za registraciju administrativnog postupka se predaju sljedeći dokumenti:

- a) Kopija propisa kojim se uvodi administrativni postupak;
  - b) Obrazac:
- 1) obrazac propisan državnim, entitetskim ili kantonalnim propisom ili
  - 2) prijedlog obrasca nadležnog kantonalnog ministarstva, odnosno drugog tijela kantonalne uprave.

### Član 6.

#### (Uvjeti za registraciju administrativnog postupka)

(1) Prilikom odlučivanja, Regulatorno tijelo, u zavisnosti od kategorije propisa kojim se administrativni postupak uvodi, razmatra naročito:

- a) da li je zahtjev uredan,
- b) da li je u skladu sa pozitivnim propisima,
- c) da li je administrativni postupak čije se uvođenje predlaže zasnovan na propisu priloženom uz zahtjev,
- d) da li je administrativni postupak čije se uvođenje predlaže nužan,
- e) da li je administrativni postupak čije se uvođenje predlaže svrsishodan,
- f) da li je administrativni postupak, u obliku u kome je predložen nužan za provedbu propisa,
- g) da li se svrha administrativnog postupka može postići na način koji je povoljniji za poslovne subjekte i građane,
- h) da li se pojedini elementi administrativnog postupka mogu unaprijediti u skladu sa načelima Registra.

(2) U slučaju da je administrativni postupak definisan propisom Bosne i Hercegovine ili Federacije BiH, Regulatorno tijelo neće razmatrati prijavu prema kriterijima navedenim u tačkama b), d) i e) prethodnog stava.

(3) U slučaju da se administrativni postupak uvodi propisom Bosne i Hercegovine ili Federacije BiH, te da su tim propisom definisani pojedini elementi administrativnog postupka (informacije, dokumentacija, rokovi i sl.), Regulatorno tijelo će razmotriti mogućnosti dopuštenog pojedostavljenja i unapređenja elemenata administrativnog postupka na nivou Zeničko-dobojskog kantona.

#### Član 7.

(Donošenje odluke o odobravanju registracije, odnosno ispravke i/ili dopune administrativnog postupka)

(1) Regulatorno tijelo će u roku osam (8) dana od dana podnošenja prijave za registraciju administrativnog postupka donijeti odluku kojom se odobrava registracija administrativnog postupka ili kojom se nalaže ispravka ili dopuna prijave ili se prijava odbija.

(2) Regulatorno tijelo je u slučaju donošenja odluke kojom se registracija odobrava, dužno u roku od osam (8) dana izvršiti unos administrativnog postupka u Registar, u skladu sa članom 4. ove Odluke i o tome pismeno obavijestiti nadležno kantonalno ministarstvo, odnosno drugo tijelo kantonalne uprave.

(3) U slučaju donošenja odluke kojom se nalaže ispravka ili dopuna prijave Regulatorno tijelo će u roku iz stava 1. nadležnom ministarstvu, odnosno drugom tijelu kantonalne uprave dostaviti instrukciju u kom pravcu je potrebno prijavu ispraviti ili dopuniti i odredit će rok u skladu sa propisom kojim se administrativni postupak uvodi.

(4) U slučaju odbijanja prijave za registraciju administrativnog postupka, Regulatorno tijelo je dužno nadležnom ministarstvu, odnosno drugom tijelu kantonalne uprave, dostaviti obrazloženje, kojim se navode razlozi odbijanja u skladu sa članom 6. ove Odluke.

#### Član 8.

(Upis promjene podataka od značaja za vođenje administrativnog postupka)

(1) Kantonalno ministarstvo, odnosno drugo tijelo kantonalne uprave, koje namjerava da izvrši upis promjene podataka od značaja za vođenje administrativnog postupka iz svoje nadležnosti, podnosi prijavu Regulatornom tijelu koja je u prilogu ove Odluke.

(2) Odredbe ove Odluke koje se odnose na registraciju administrativnog postupka na odgovarajući način se primjenjuju i na postupak upisa promjene podataka od značaja za vođenje administrativnog postupka.

#### Član 9.

(Brisanje administrativnog postupka)

(1) Kantonalno ministarstvo, odnosno drugo tijelo kantonalne uprave, koje namjerava da izvrši brisanje administrativnog postupka iz svoje nadležnosti, podnosi prijavu Regulatornom tijelu koja je u prilogu ove Odluke.

(2) Odredbe ove Odluke koje se odnose na registraciju administrativnog postupka na odgovarajući način se primjenjuju i na postupak brisanja administrativnog postupka.

## Član 10.

(Način odlučivanja i rada Regulatornog tijela)

(1) Za donošenje odluke iz člana 7. ove Odluke, neophodno je da u registarskom postupku učestvuju najmanje pet (5) članova Regulatornog tijela.

(2) U slučaju da članovi Regulatornog tijela imaju različite stavove, odluka se donosi glasanjem – prostom većinom.

(3) Ukoliko odluku nije moguće donijeti prostom većinom ili to nalažu izvanredne okolnosti, odluku donosi predsjednik Regulatornog tijela.

## Član 11.

(Rad Regulatornog tijela)

Regulatorno tijelo se sastaje najmanje jedanput mjesečno radi praćenja stanja u Registru i poduzimanja mjera kojim se osigurava kontinuirano i pravilno funkcionisanje Registra.

## Član 12.

(Zbirka isprava)

(1) Regulatorno tijelo vodi Zbirku isprava koja sadrži sve podnešene prijave sa priložima iz člana 4. ove Odluke, odluke Regulatornog tijela i pisanu evidenciju o izvršenim promjenama u Registru.

(2) Regulatorno tijelo je odgovorno za tačnost i usklađenost podataka u elektronskom i pisanom obliku.

## Član 13.

(Ovlaštenje i odgovornost Regulatornog tijela)

(1) Kantonalna ministarstva i druga tijela kantonalne uprave su dužni provoditi odluke i izvršavati naloge Regulatornog tijela koje se odnose na vođenje i održavanje Registra.

(2) Regulatorno tijelo je ovlašteno vršiti nadzor nad radom kantonalnih ministarstava i drugih tijela kantonalne uprave u cilju osiguranja implementacije odredaba ove Odluke.

(3) Kantonalna ministarstva i druga tijela kantonalne uprave su dužne pružiti svu potrebnu stručnu i tehničku podršku Regulatornom tijelu za potrebe vođenja i održavanja Registra.

(4) Regulatorno tijelo za svoj rad odgovara Vladi Zeničko-dobojskog kantona.

## Član 14.

(Prelazne i završne odredbe)

Kantonalna ministarstva i službe za upravu su dužne u roku od 15 dana od dana donošenja ove Odluke prijaviti sve administrativne postupke koje provode iz okvira svojih nadležnosti, a koji nisu registrirani u skladu sa članom 4. Odluke o uspostavi Registra administrativnih postupaka broj: 02-05-16780/13 od 01.08.2013. godine.

## Član 15.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

### **20. tačka dnevnog reda**

U diskusiji su učestvovali Ministar Ministarstva za prostorno uređenje, promet i komunikacije i zaštitu okoline i Pomoćnik Sekretara Vlade.

Vlada je jednoglasno donijela Rješenje kojim se u Regulatorno tijelo za vođenje i održavanje Registra administrativnih postupaka Zeničko-dobojskog kantona (u daljem tekstu: Regulatorno tijelo), imenuju:

1. Mirsad Kadić, Sekretarijat za zakonodavstvo (predsjednik);
2. Haris Hrgić, Stručna služba Vlade (član);
3. Ibrahim Slipić, Stručna služba Vlade, Odjeljenje za informatičku podršku (član);
4. Nađa Mišić, Ministarstvo za prostorno uređenje, promet i komunikacije i zaštitu okoline (član);
5. Ljiljana Anđelić, Ministarstvo za privredu (član);
6. Munir Kaknjo, Ministarstvo za poljoprivredu, šumarstvo i vodoprivredu (član);

7. Eldin Durmić, Ministarstvo za obrazovanje, nauku, kulturu i sport (član);
8. Amra Nikšić, Ministarstvo za boračka pitanja (član);
9. Suad Orlić, Ministarstvo unutrašnjih poslova (član).

Za obavljanje administrativno-tehničkih poslova za potrebe Regulatornog tijela imenuje se Azra Smailbegović, uposlenik Stručne službe Vlade.

Zadatak Regulatornog tijela je da na način i pod uslovima utvrđenim Odlukom o vođenju i održavanju Registra administrativnih postupaka Zeničko-dobojskog kantona, broj: 02-05-16793/13 od 01.08.2013. godine, kontinuirano provodi aktivnosti na vođenju Registra administrativnih postupaka kantonalnih ministarstava i drugih tijela kantonalne uprave Zeničko-dobojskog kantona koje se odnose na registraciju administrativnih postupaka, upis promjena podataka koji su od značaja za vođenje administrativnih postupaka, brisanje administrativnih postupaka kantonalnih ministarstava i drugih tijela kantonalne uprave, kao i održavanje i zaštitu baze podataka.

Imenovanje Regulatornog tijela vrši se na mandatni period u trajanju od dvije godine.

Poslove i zadatke iz tačke II. ovog rješenja Regulatorno tijelo će obavljati po ukazanoj potrebi, a najmanje jedanput mjesečno.

Rješenje stupa na snagu danom donošenja i objavit će se u "Službenim novinama Zeničko-dobojskog kantona".

### **21. tačka dnevnog reda**

Obrazloženje za ovu tačku dnevnog reda dao je Premijer Zeničko-dobojskog kantona.

U diskusiji su učestvovali: Premijer, Sekretar Sekretarijata za zakonodavstvo i Pomoćnik Sekretara Vlade.

Vlada je jednoglasno donijela Rješenje kojim se u radnu grupu za reguliranje pitanja prijevoza uposlenika Zeničko-dobojskog kantona imenuju:

1. Mirsad Kadić, predsjednik, Sekretarijat za zakonodavstvo,
2. Melisa Mitrović, predstavnik Ministarstva finansija,
3. Ružica Jukić-Ezgeta, predstavnik Ministarstva za pravosuđe i upravu,
4. Haris Hrgić, predstavnik Stručne službe Vlade,
5. Enesa Krdžalić, predstavnik Službe za zajedničke poslove.

Zadužuje se Radna grupa iz tačke I. ovog Rješenja, da u roku od 30 dana za sve uposlenike kantona kojima se plaća naknada za prijevoz na posao i sa posla, sačini prijedlog mjera ušteta po ovom pitanju.

Rješenje stupa na snagu danom donošenja, i objavit će se u «Službenim novinama Zeničko-dobojskog kantona».

### **22. tačka dnevnog reda**

Obrazloženje za ovu tačku dnevnog reda dao je Premijer Zeničko-dobojskog kantona.

U diskusiji su učestvovali: Premijer, Ministrica Ministarstva zdravstva, Ministrica Ministarstva za pravosuđe i upravu, Ministar Ministarstva za prostorno uređenje, promet i komunikacije i zaštitu okoline, pomoćnik Amir Abazović, Sekretar Sekretarijata za zakonodavstvo i Pomoćnik Sekretara Vlade.

Vlada je jednoglasno donijela Zeključak o postupanju kod isplate naknada za rad u komisijama.

Rukovodioci ministarstava i drugih tijela kantonalne uprave, shodno Uredbi o sastavu komisija i naknadama članova komisija u okviru kantonalnih organa uprave i općinskih službi za upravu u upravnom postupku (Prečišćeni tekst) („Službene novine Zeničko-dobojskog kantona“, broj: 6/04) i Zakonu o izvršavanju Budžeta Zeničko-dobojskog kantona, kao odgovorne osobe za utrošak sredstava iz Budžeta, prije dostavljanja naloga za plaćanje naknade za rad u komisijama/radnim grupama, dužni su krajnje odgovorno utvrditi

- da li su postojeće komisije propisane kao obavezne posebnim propisom,



- osnov za isplatu naknada za rad komisija u okviru svog resora i interesornih vladinih komisija,
- naročito utvrditi da li su zadaci komisija i radnih grupa iz opisa poslova tog organa,
- da li se obavljaju u okviru radnog vremena,
- voditi računa da iznos isplate naknade u toku jednog mjeseca ne prelazi iznos utvrđen članom 9. stav 2. navedene Uredbe.

Svaki nalog za isplatu naknada za rad u komisijama/radnim grupama dostavljen Ministarstvu finansija, uz koji nije obrazložen osnov za isplatu kao u tački I. neće se realizovati.

Uzimajući u obzir dasadašnje različito tumačenje u primjeni Uredbe i Programa mjera štednje Vlade Zeničko-dobojskog kantona i preporuke iz Nacrta Izvještaja o obavljenoj reviziji finansijskih izvještaja Budžeta Zeničko-dobojskog kantona za 2012. godinu, nalaže se Ministarstvu za pravosuđe i upravu i Ministarstvu finansija da u roku od 30 dana sačine novu uredbu i program mjera štednje kojima će se otkloniti nedostaci i nejasnoće.

Zaključak stupa na snagu danom donošenja.

### **23. tačka dnevnog reda**

U diskusiji su učestvovali Sekretar Sekretarijata za zakonodavstvo i Pomoćnik Sekretara Vlade.

Vlada je jednoglasno donijela Rješenje kojim se u Rješenju o imenovanju predsjednika i članova Drugostepene komisije Vlade Zeničko-dobojskog kantona, broj: 02-34-2820/13 od 31.01.2013. godine („Službene novine Zeničko-dobojskog kantona“, broj: 1/13), tačka V briše. Dosadašnje tačke VI, VII i VIII postaju tačke V, VI i VII.

Rješenje stupa na snagu danom donošenja i objavit će se u “Službenim novinama Zeničko-dobojskog kantona”.

### **24. tačka dnevnog reda**

Vlada je jednoglasno donijela Rješenje kojim se stavlja van snage Rješenje o utvrđivanju naknade za rad predsjedniku i članovima Drugostepene komisije Vlade Zeničko-dobojskog kantona, broj: 02-14-31725/11 od 13.12.2011. godine.

Rješenje stupa na snagu danom donošenja, a primjenjuje se počev od 01.07.2013. godine.

### **25. tačka dnevnog reda**

Obrazloženje za ovu tačku dnevnog reda dala je Ministrica Ministarstva za pravosuđe i upravu.

Vlada je jednoglasno donijela Rješenje kojim se u Rješenju o imenovanju Drugostepene disciplinske komisije za namještenike zaposlene u kantonalnim i općinskim organima državne uprave u Zeničko-dobojskom kantonu, broj: 02-34-2903/12 od 02.02.2012. godine, član 5. briše. Dosadašnji član 6. Postaje član 5.

Rješenje stupa na snagu danom donošenja i objavit će se u “Službenim novinama Zeničko-dobojskog kantona”.

### **26. tačka dnevnog reda**

Vlada je jednoglasno donijela Rješenje kojim se stavlja van snage Rješenje o utvrđivanju naknade za rad predsjednika i članova Drugostepene disciplinske komisije za namještenike zaposlene u kantonalnim i općinskim organima državne uprave u Zeničko-dobojskom kantonu,

broj: 02-14-3041/12. od 02.02.2012. godine, i Rješenje o ispravci Rješenja broj: 02-14-1406/13 od 25.06.2013. godine.

Rješenje stupa na snagu danom donošenja, a primjenjuje se počev od 01.07.2013. godine.

### **27. tačka dnevnog reda**

Obrazloženje za ovu tačku dnevnog reda dala je Nevzeta Elezović, direktorica Kantonalne uprave za šumarstvo.

U diskusiji su učestvovali: Premijer Zeničko-dobojskog kantona, Ministrica Ministarstva za pravosuđe i upravu, Ministar Ministarstva za prostorno uređenje, promet i komunikacije i zaštitu okoline, Ministar Ministarstva za rad, socijalnu politiku i izbjeglice, pomoćnik Amir Abazović.

Vlada je jednoglasno donijela Zaključak kojim se tačka dnevnog reda: „Prijedlog mjera za prevazilaženje postojećeg stanja u pogledu šumskih krađa“ vraća na doradu predlagачu, da u skladu sa Zakonom o šumama u roku od 30 dana donese podzakonske akte i nove, konkretne mjere kojima je nosilac Kantonalna uprava za šumarstvo, a u skladu sa diskusijama iznesenim na sjednici Vlade.

Ovaj Zaključak stupa na snagu danom donošenja.

Pored ovoga, Vlada je takođe jednoglasno donijela i slijedeći Zaključak:

**27a)** Vlada Zeničko-dobojskog kantona utvrđuje potrebu da se u narednom periodu obavi stručna rasprava vezana za ulogu i mjesto šumara sa stanovišta ekonomske opravdanosti i stanovišta čuvanja šuma u Kantonalnoj upravi za šumarstvo ili Šumsko-privrednom društvu Zeničko-dobojskog kantona.

Ovaj Zaključak stupa na snagu danom donošenja.

### **28. tačka dnevnog reda**

Obrazloženje za ovu tačku dnevnog reda dao je Kaknjo Munir, sekretar u Ministarstvu za poljoprivredu, šumarstvo i vodoprivredu.

Vlada je jednoglasno donijela Zaključak kojim se pokreće postupak nominiranja kandidata na upražnjene pozicije predsjednika i članova Skupštine Javnog preduzeća „Šumsko-privredno društvo Zeničko-dobojskog kantona“ d.o.o. Zavidovići.

Za upražnjene pozicije iz tačke I ovog zaključka utvrđuje se potreba raspisivanja Javnog oglasa skladu sa Zakonom o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 34/03) i Odlukom o utvrđivanju standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 2/11).

Za realizaciju ovog Zaključka zadužuje se Ministarstvo za poljoprivredu, šumarstvo i vodoprivredu.

Zaključak stupa na snagu danom donošenja.

### **29. tačka dnevnog reda**

Obrazloženje za ovu tačku dnevnog reda dao je Ministar Ministarstva za rad, socijalnu politiku i izbjeglice.

Diskutovao je Premijer Zeničko-dobojskog kantona.

Vlada je jednoglasno donijela Zaključak kojim se odobrava zaključivanje Ugovora o sufinansiranju realizacije projekta "Rekonstrukcija lokalnog puta Novi Šeher-Crni Vrh-Tešanj", između Zeničko-dobojskog kantona-Ministarstva za rad, socijalnu politiku i izbjeglice, Federalnog ministarstva raseljenih osoba i izbjeglica i Općine Maglaj, sa ciljem stvaranja uvjeta za održiv povratak na područje općine Maglaj.

Ovlašćuje se Ministar Ministarstva za rad, socijalnu politiku i izbjeglice da potpiše Ugovor iz tačke I ovog zaključka, kojim se definiira način zajedničkog finansiranja Projekta sa Federalnim ministarstvom raseljenih osoba i izbjeglica i Općinom Maglaj.

Za provođenje ovog zaključka zadužuje se Ministarstvo rad, socijalnu politiku i izbjeglice.

Zaključak stupa na snagu danom donošenja.

### **30. tačka dnevnog reda**

Obrazloženje za ovu tačku dnevnog reda dao je Amir Abazović, pomoćnik u Ministarstvu privrede.

Vlada je jednoglasno donijela Odluku kojom se u Odluci o odobravanju finansijskih sredstava-subvencioniranje troškova certifikacije energetske efikasnosti građevinskog objekta privrednom društvu "AL-EX" d.o.o. Zenica („Službene novine Zeničko-dobojskog kantona“, broj: 8/13) u članu 2. (Ekonomski kod) riječi: „ekonomski kod 614500, pozicija „Subvencije preduzećima u privatizaciji i podsticaj u industriji“, zamjenjuju se riječima: „ekonomski kod 614100-IAD002, pozicija „Realizacija projekata Vlade koji se finansiraju iz prihoda od koncesija“.

Zadužuju se Ministarstvo za privredu i Ministarstvo finansija da, u skladu sa zakonom i podzakonskim aktima, realizuju ovu odluku svako u okviru svojih nadležnosti.

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

### **31. tačka dnevnog reda**

Obrazloženje za ovu tačku dnevnog reda dala je Meliha Omerspahić, član Radne grupe.

U diskusiji su učestvovali: Premijer, Ministar Ministarstva za rad, socijalnu politiku i izbjeglice, Ministrica Ministarstva zdravstva.

Vlada je sa sedam glasova „za“ i jednim glasom „suzdržan“ donijela Zaključak kojim se prihvata Informacija o provedenim aktivnostima na ispitivanju postupka dodjele poticaja za kandidate koji su ostvarili pravo na korištenje sredstava od naknada za promjenu namjene poljoprivrednog zemljišta, po Rješenju broj: 02-34-15259/13 od 10.07.2013. godine.

Isplata poticaja u poljoprivredi izvršit će se u iznosu navedenom u tabelarnom pregledu u prilogu Informacije iz tačke I. ovog zaključka, u ukupnom iznosu od 998.746,00 KM koliko je ukupno i planirano Budžetom Zeničko-dobojskog kantona za 2013. godinu, na poziciji „Finansiranje projekata iz sredstava za pretvaranje poljoprivrednog zemljišta u nepoljoprivredno zemljište“.

Zaključak stupa na snagu danom donošenja.

Pored ovoga, Vlada je takođe sa sedam glasova „za“ i jednim glasom „suzdržan“ donijela i slijedeći zaključak:

**31a)** Zaduguje se Ministarstvo za poljoprivredu, šumarstvo i vodoprivredu da u formi predviđenoj za razmatranje na Vladi predloži interesornu komisiju čiji će zadatak biti da na terenu obiđe i ustanoviti stanje izvršenja obaveza korisnika poticaja po svim dodijeljenim poticajima iz svog resora, i da o tome sačini izvještaj i informiše Vladu.

Zaključak stupa na snagu danom donošenja.

### **32. tačka dnevnog reda**

Dostavom materijala pod ovom tačkom dnevnog reda članovi Vlade su upoznati sa istim.

U diskusiji su učestvovali: Premijer Zeničko-dobojskog kantona, Ministar Ministarstva za rad, socijalnu politiku i izbjeglice, Ministar Ministarstva za prostorno uređenje, promet i komunikacije i zaštitu okoline, pomoćnik Amir Abazović i Ivica Mandura, savjetnik Premijera Zeničko-dobojskog kantona.

Vlada je jednoglasno donijela Zaključak kojim se prihvata Zapisnik o izvršenoj reviziji koncesionih naknada kod Ministarstva privrede broj: MF 07-04/07-02/13 MŠ.MS od 04.07.2013. godine i Ministarstva za poljoprivredu, šumarstvo i vodoprivredu broj: MF 07-04/06-02/13 MŠ.MS od 11.06.2013. godine. Zadužuju se resorna ministarstva da pooštre mjere prema koncesionarima koji redovno ne izvršavaju svoje obaveze, te tamo gdje se ukaže potreba što prije pokrenuti aktivnosti za pokretanjem instrumenata prinudne naplate potraživanja iz oblasti koncesija. Zaključak stupa na snagu danom donošenja.

Premijer je zaključio sjednicu u 16<sup>18</sup> sati.

**POMOĆNIK SEKRETARA VLADE**

*Haris Hrgić*

**PREMIJER**

*Munib Husejnagić, dipl.ing.maš.*

**ZAPISNIČAR**

*Azra Smailbegović-Đ.*